



Broj: T01 0 KT 0043569 23
Bihać, 22.12.2025. godine

OPĆINSKI SUD U VELIKOJ KLADUŠI
- Sudiji za prethodno saslušanje -

Na osnovu odredbe člana 45. stav 2. tačka h) i člana 241. stav 1. Zakona o krivičnom postupku FBiH (u daljem tekstu ZKP FBiH), podižem:

OPTUŽNICU

PROTIV:

H. N. M.,

DA JE

1. Dana 23.07.2023. godine, oko 00,40 sati, u ..., mjesto ..., na magistralnom putu ..., upravljajući putničkim motornim vozilom marke "BMW", tip M5, registarskih oznaka ..., vlasništvo B. M., a koji se nalazio na mjestu suvozača, krećući se magistralnim putem iz smjera naselja ... u smjeru ... brzinom oko 70 – 75 km/h, svjestan da se ne pridržava saobraćajnih propisa i da tako može ugroziti javni promet da dovede u opasnost život ljudi, te da kod druge osobe može doći do teških tjelesnih povreda, olako držeći da se to neće dogoditi, postupio je suprotno članu 39. stav 1. i 2. i članu 43. stav 1. Zakona o osnovama bezbjednosti saobraćaja na cestama u BiH ("Službeni glasnik BiH", br. 6/06, 75/06, 44/07, 84/09, 48/10, 18/13, 8/17 i 89/17), tako što se nije kretao vozilom desnom stranom kolovoza u smjeru kretanja, niti je prilagodio brzinu kretanja vozila krivini udesno kojom se kretao poluprečnika $R_{MIN} \approx 80,00$ (m), u kojim okolnostima bi prilagođena brzina iznosila 68 km/h, pa je došlo do bočnog zanošenja vozila usljed djelovanja bočne centrifugalne sile kada je vozilo osumnjičenog proklizalo na suprotnu lijevu stranu kolovoza kojim se ispravno iz suprotnog smjera kretala M. A. svojim vozilom marke Audi, tip A4, registarskih oznaka ..., u kojem se na mjestu suvozača nalazio njen brat M.A., te je ena lijevoj kolovoznoj traci gledano u smjeru kretanja osumnjičenog, došlo do kontakta prednjeg desnog dijela vozila BMW sa prednjim lijevom dijelom vozila Audi, usljed čega je M. A. zadobio teške tjelesne povrede u vidu oguljotine lijevog palca šake, prelom prve metakarpalne kosti sa pomakom ulomaka desne šake, modrice grudnog koša i trbuha od pojasa, povredu trbuha u vidu razdora slezene i držača crijeva sa izljevom krvi u trbušnu duplju, dok je na vozilima nastupila veća materijalna šteta,

Dakle, iz nehata kao učesnik u prometu na putevima ne pridržavajući se prometnih propisa ugrozio javni promet i doveo u opasnost život ljudi, usljed čega je kod jednog lica nastupila teška tjelesna povreda,

2. Dana 23.07.2023. godine, oko 00,40 sati, u ..., mjesto ..., na magistralnom putu ..., nakon što je usljed neprilagođene brzine izazvao saobraćajnu nezgodu na način opisan u tački 1. ove optužnice, svjestan da ostavlja bez pomoći osobu koja je ozlijeđena prevoznim sredstvom kojim je upravljao, htijući to, unatoč tome što je znao da su lica iz vozila marke Audi A 4, reg.

oznaka ..., povrijeđena, pokupio je lične predmete iz unutrašnjosti i prtljažnika vozila BMW, te se sa suvozačem ... udaljio sa drugim vozilom bez da je pokušao da pomogne povrijeđenom M.A., koji je usljed saobraćajne nezgode zadobio teške tjelesne povrede u vidu oguljotine lijevog palca šake, prelom prve metakarpalne kosti sa pomakom ulomaka desne šake, modrice grudnog koša i trbuha od pojasa, povredu trbuha u vidu razdora slezene i držaća crijeva sa izljevom krvi u trbušnu duplju

Dakle, kao vozač prevoznog sredstva ostavio bez pomoći osobu koja je oslijeđena tim prevoznim sredstvom, pri čemu je jedna osoba teško tjelesno povrijeđena,

Čime bi pod tačkom 1. počinio krivično djelo Teška krivična djela protiv sigurnosti javnog prometa iz člana 336. stav 3., a u vezi sa odredbom člana 332. stav 3. Krivičnog zakona FBiH, a po tačkom 2. Krivično djelo Neukazivanje pomoći osobi ozlijeđenoj u prometnoj nezgodi iz člana 337. stav 2., u vezi sa stavom 1. Krivičnog zakona FBiH.

P r i j e d l o g dokaza koje treba izvesti

- 1. Ispitivanje svjedoka:**
- 2. Ispitivanje vještaka:**
- 3. Da se izvrši uvid i čitanje:**

REZULTATI ISTRAGE

Dokazi koji potkrepljuju navode optužnice:

Kantonalni tužitelj